

Áššeovddideapmi

Vuodđodokumeanta.
 Jorgaluvvon dokumeanta

| | | | |
|----------------------------|----------------|-----------------------------------|-----------------------|
| Vuorkááššnr. 2019/311-9 | Vuorká: 255 | Áššemeannudeaddji: Karin Hætta | Dáhton: 03.03.2020 |
|----------------------------|----------------|-----------------------------------|-----------------------|

| | | |
|-------------|-------------------------------------|-----------------|
| Lávd.áššnr. | Lávdegoddi: | Čoahkkindáhton: |
| | Ovdagotti mearrádusevttohančoahkkin | |
| | Suohkanstivra | |

GUOVDAGEAINNU SUOHKANA EAIGGÁTVUOĐADIEĐÁHUS

Mearrádusdiehtu sáddejuvvo:

- Revišuvdnii
- Buot fitnodagaide eaiggátvuodadieđáhusas
- Guovdageainnu suohkana ruovttusiidui

Čujuhuvvo čuovvovážžii:

- Suohkanlága § 26-1
- Guovdageainnu suohkana eaiggátvuodadieđáhus 2019-2023

Mielddus:

1 Álgočálus Eierskapsmelding 2019 – 2023

Ášši duogáš:

Ođđa suohkanláhka § 26-1 gohčču ahte suohkan galgá ráhkadit eaiggátvuodadieđáhusa juohke válgajagi. Eaiggátvuodadieđáhusa galgá suohkanstivra meannudit ja mearridit.

Suohkanstivra lea formálalaš eaiggát fitnodagain mat bohtet ovdan eaiggátvuodadieđáhusas ja galgá mearridit prinsihpaid eaiggátstivremii ja doaimma vuordámušaide.

Sátnejođiheaddji lea generálačoahkkin, go suohkanstivra ii leat mearridan maidege eará.

Suohkanláhka presisere ahte eaiggátvuodadieđáhusas galgá leat čuovvovaččat:

- Suohkana prinsihpat eaiggátstivremii*
- Bajilgovva fitnodagain, suohkanlaš fitnodagain ja eará doaimmain main suohkanis leat eaiggátberoštumit dahje sullásaš beroštumit*
- Suohkana ulbmilat iežas eaiggátberoštumiiguin dahje sullásaš beroštumiiguin doaimmain mat namuhuvvot bustávas b.*

Eaiggátvuodadieđáhusa bokte galgá eaiggát veardádallat ahte galgá go suohkan ain eaiggáduššat doaimma ja maid suohkan áigu doaimmain.

Viidásit ferte suohkanstivra veardádallat ahte mii fitnodagas vurdojuvvo ja standárdadajaldat mii evttohuvvo lea: *“Fitnodaga doaibma lea fitnodaga ulbmila mielde.”*

Áidna fitnodat man mii gávdnat masa ledje vuordámušat go ásahuvvui, lea Kautokeino Boligselskap AS. Dákko ledje vuordámušat ahte fitnodat galggai gokčat ásodatdárbbuid maid priváhta ásodathuksema eai nagodan gokčat, go Guovdageainnu suohkanis lei stuora ásodatvátni.

Suohkan oassálastá máŋga ovttasbargguin eará suohkaniiguin, lea oasseeaiggát fitnodagain ja eaiggáduššá muhtin fitnodagain 100%.

Suohkanstivra sáhtá addit stivrensignálaid go lea eaiggát. Fitnodagain leat válljejuvvon stivrrat, mat galget doaimmahit fitnodagain eaiggáda stivrensignálaid mielde.

Suohkanstivra ii galgga seaguhit iežas fitnodagain beaivválaš doibmii.

Suohkanstivra sáhtá mearridit vuordámušaid ja mearridit ulbmiliid ásaheami oktavuodas. Viidásit sáhtá suohkanstivra čuovvut mielde ahte doaimmahuvvojit go fitnodagat dáid vuordámušaid ja ulbmiliid mielde, ja addit ođasmahtton stivrensignálaid. Jus suohkan eaiggáduššá ossosiid 100% sáhtá suohkanstivra mearridit vejolaš rievdadusaid gustovaš njuolggadusaid mielde.

Árvvoštallan:

Suohkanstivrras lea ovddasvástádus daid fitnodagain maid suohkan eaiggáduššá ja Suohkanláhka gáibida ahte dát bohtá ovdan go hábme eaiggátvuodadieđáhusa, gos buot eaiggátvuodát ja ovttasbarggut mat Guovdageainnu suohkanis leat, bohtet ovdan. Lea stuora ja dehálaš ášši čađahit čuovvovaš árvvoštallamiid juohke 4. jagi:

1. Galgá go suohkan ain eaiggáduššat buot fitnodagain?
2. Galgá go suohkan ain leat oassálastin dain seammá ovttasbargguin ovddasguvlui?
3. Leat go eaiggátvuodát/ovttasbarggut ain dehálaččat?
4. Leat go vuodut ain gávdnamis?
5. Galget go dahkkot rievdadusat?

Go fitnodat ásaheami galgá hámuhit ulbmila ja eaiggát berre maid hámuhit unnimus ovttá vuordámuša fitnodahkii. Dát ii leat nu ollu vuoruhuvvon ovdal, ii ásaheamis ii ge viidásit fitnodaga čuovvoleamis. Orro leamaš nu ahte fitnodagain maŋnel ásaheami ii leat leamaš organiserejuvvon čuovvoleapmi suohkanstivrra/eaiggáda bealis. Ii leat leamaš gáibáduš sáddet sisa jahkereketdoalu ja jahkediđáhusa dahje eará raporterema doaimma dáfus. Dál evttohuvvo ahte dát biddjo fásta rutiidnan. Evttohuvvo eaiggátvuodadieđáhusas ahte buot fitnodagat, 4 jagi áigodaga mielde (válgaáigodagas) galget ovdanbuktit iežaset eaiggádii. Suohkandirektevra koordinere dán.

Eaiggátvuodadieđáhusas bohtá ovdan mii eaiggátvuodadieđáhus lea, bealátkeahtesvuoda dehálašvuotta, formalitehtaid doallan, čilgehus iešguđetlágán fitnodathámiin, eaiggátvuodaprinsihpat ja strategijja, ja maid bajilgovva buot fitnodagain/doaimmain maid Guovdageainnu suohkan eaiggáduššá ja/dahje geaiguin ovttasbargá.

Lea báhcán vel bargu eaiggátvuodastrategijain juohke eaŋkil fitnodaga oktavuodas, ja maid veahá dieđut maid mii eat leat nagodan viežžat fitnodagain.

Sajáiduhttit eaiggátprinsihpaid ja strategijaid politihkalaččat ávžžuhuvvo álggahit politihkalaš bargojoavkku. Bargojoavku sáhtá maid dai addit politihkalaš stivrensignálaid eaŋkilfitnodagaide, ja maid evttohit njuolggadusaid vuoittu ektui suohkanii ja stivrahonorára fitnodagain sturrodaga mielde.

Viidásit lea álggahuvvon bargu ovttas Viessobáŋkkuin mii gohčoduvvo “Leie til eie”. Dát bargu sáhtá dahkat ahte suohkanlaš orrunviesut vuvdojuvvojit ja bargojoavku sáhtá evttohit movt dákkár prošeakta sáhtá čađahuvvot ovdal go ášši sáddejuvvo gulaskuddamii guoskevaš fitnodahkii ja suohkanstivrii mearriduvvot.

Bargojoavkku mandáhttaevttohus:

- Geahčadit buot šiehtadusaid gaskkal suohkana ja daid suohkanlaš fitnodagain dainna ulbmilin ahte evttohit rievdadusaid, doppe gos orro dárbu
- Ráhkadit eaiggátprinsihpaid, eaiggátstrategijaid ja njuolggadusaid fitnodagaide, nu go:

- Vuoitu

- Stivrahonorára fitnodaga sturrodaga mielde

- Eaiggátfitnodagain galgá leat arkiiva arkivloven mielde
- Dahkat eaiggátvuodadieđáhusa dievaslašžan buot fitnodagaide ja ovttasbargguide, ja mii biddjo ovdan suohkanstivrii cuoŋománu 2021
- Geahčadit buot šiehtadusaid dainna ulbmilin ahte rievdadit doppe gos lea dárbu
- Ráhkadit evttohusa duohtandahkat prošeavtta “Leie til eie”.

Bargojoavkkus sáhttet leat 3 lahtu, 2 posišuvnnas ja 1 opposišuvnnas. Hálddahas lea čállingoddi.

Eaiggátvuodadieđáhus mii biddjo ovdan dál ii leat dievaslaš, muhto dat lea dokumeantta mii galgá bargojuvvot ja heivehuvvot eaiggáda dárbbuid mielde. Dat lea veahkkeneavvun oazžut bajilgova ovttasbarggus ja eaiggátvuodas, ja maid veahkkeneavvun fitnodagaide doallat bajilgova eaiggádit stivrensignálain.

Ávžžuhuvvo ahte suohkanstivra sirdá válldi ovdagoddái doaimmahit jotkkolaš eaiggátstivrema ja maid bagadallat eaiggátáirasiid eaŋkiláššiin main lea prinsipiála dahje stuora mearkkašupmi.

Mearrádusevttohus:

1. Suohkanstivra dohkkeha Guovdageainnu suohkana eaiggátvuodadieđáhusa áigodahkii 2019 – 2023.
2. Suohkanstivra sirdá válldi ovdagoddái doaimmahit jotkkolaš eaiggátstivrema ja maid bagadallat eaiggátáirasiid eaŋkiláššiin main lea prinsipiála dahje stuora mearkkašupmi.
3. Suohkana fitnodagain galget leat dohkálaš arkiivvat arkivloven mielde.
4. Suohkanstivra ásaha bargojoavkku mas leat 3 áirasa.

Áirasat:

1. _____.
2. _____.

Várreáirasat:

1. _____.
2. _____.
3. _____.

Áirras:

3. _____.

Várreáirasat:

1. _____.
2. _____.
3. _____.

Bargojoavku galgá:

- Ráhkadit eaiggátprinsihpaid ja eaiggátstrategiijaid fitnodagaide
- Dahkat eaiggátvuodadieđáhusa dievaslašžan buot fitnodagaide ja ovttasbargguide main Guovdageainnu suohkan oassálastá dahje maidda lea eaiggátvuhta

- Geahčadit buot šiehtadusaid gaskkal suohkana ja daid suohkanlaš fitnodagaid dainna ulbmilin ahte evttohit rievdadusaid, doppe gos orro dárbu. Rievdadanevttohusat galget meannuduvvot stivrras ovdal ovdagotti mearrádusa.
- Evttohit njuolggadusaid - vuoitu suohkanii ja stivrahonorára fitnodaga sturrodaga mielde
- Evttohit mot “Leie til eie” sáhtta duohtandahkkot fitnodagaid čađa maid suohkan eaiggáda. Evttohus galgá sáddejuvvot guoskevaš fitnodagaide gulaskuddamii ovdal go evttohus ovddiduvvo meannuduvvot ovdagottis.

5. Eaiggátvuodadieđáhus galgá leat veahkkeneavvun oažžut bajilgova ovttasbarggus ja eaiggátvuodas, ja maid veahkkeneavvun fitnodagaide doallat bajilgova eaiggádit stivrensignálain.

6. Dievaslaš veršuvdna eaiggátvuodadieđáhusas galgá ovddiduvvot suohkanstivrii ođđa dohkkeheapmái cuoŋománu 2021 bargjoavkku geahčadeami/evttohusa vuodul.